

Gymnasieskolan  
Programmet  
för administration, handel  
och varuhantering



Soomaali  
Somaliska

*Skolverket*

Utbildningsinfo

## Barnaamijka maamulka, ganacsiga iyo maareynta badeecadda

Barnaamijka maamulka, ganacsiga iyo maareynta badeecadda waxuu ku habboonyahay qofkii raba inuu ka shaqeeyo ganacsiga, maamulka ama isgaarsiinta.

Barnaamijkaan waxuu kaloo ku habboon yahay qofkii raba inuu ka shaqeeyo baqaaradaha waaweyn ee badeecadaha.

Barnaamijkaan waxuu kaloo ku habboon yahay qofkii raba inuu ka shaqeeyo adeegga bulshada isla markaana jecel inuu la kulmo dad kala duwan.

---

### Waxaan ayaad barnaamijka ku baran doontaa

Waxaad baraneysaa iibinta, soo gadidda iyo maareynta badeecadda.

Waxaad baraneysaa badeeco raridda iyo qeybinta alaabta.

Barnaamijka waxaad wax ugu baraneysaa suuq geynta. Macluumaad la xiriira alaabta iyo faracyada xirfadaha kala duwan iyo

Waxaad baraneysaa shaqooyinka maamulka la xiriira iyo maareynta dhaqaalaha shirkadaha iyo maamulyada guud ahaaneed.

Waxaad fursad u heleysaa inaad baratid isgaarsiinta iyo adeegga macaamiisha si aad u heshid aqon aad uga shaqeyn kartid goobaha shirarka iyo ka shaqeynta goobaha so dhaweynta ee xafiisyada.

Waxaad kaloo baraneysaa macluumaad ku saabsan mashiinadda kala duwan iyo sida loogu isticmaalo karo maamulka, ganacsiga iyo maareynta badeecadda.

Barnaamijka waxaad tababar ugu qaadanaysaa sidii aad dad kale ula shaqeyn laheyd iyo sida aad adeeg fiican u siin kareyso dadka macaamiisha ah.

Su'aalaha la xiriira goobaha shaqada waa qeybo muhiim ah oo barnaamijka ka tirsan si uusan dhaawacyo kaaga soo gaarin shaqadaada mustaqbalka iyo si aad u heshid caafimaad wanaagsan.

---

## Sidaan ayuu barnamijka u degsanyahay

**Maaddooyinka barnamijyada dugsiyada sare ee dadka caqliga dhiman oo dhan eey kawada siman yihiin.**

Dugsiyada sare ee dadka caqliga dhiman ee wadanka oo dhan ku yaal waxeey leeyihiin maaddooyin la barto oo eey kawada simanyihiin.

Waxaana la yiraahdaa Maaddooyinka barnamijyada dugsiyada sare ee dadka caqliga dhiman oo dhan eey kawada siman yihiin.

Maaddooyinkaas waa:

- Ingiriis
- Maaddada farshaxanka
- Taariikh
- Maaddada jimicsiga ciyaaraha
- xisaaab
- saynis
- diin
- cilmiga mujtamaca
- luqadda iswiidhishka ama luqadda iswiidhishka ee loogu tala galay ajaanibta

### Maaddooyin kawada dhexeeya barnamijka waxbarasho

Barnamijka waxuu leeyahay maaddooyin xirfadeed iyo kuwo astaan u ah barnamijka waxaana leesku yiraahdaa maaddooyinka kawada dhexeeya barnamijka.

Ardayda dhigata barnamijka maamulka, ganacsiga iyo maareynta badeecadda oo dhan weey akhrisanayaan maaddooyinka:

- maamulka
- ganacsiga
- warbixinta isgaarsiinta
- iibinta iyo qeybinta badeecada
- adeeg wanaaga macaamiisha

### Kusii qoto dheerinta barnamijka

Waxaad baraneysaa maaddooyin badan oo kor uqaadaya cilmiga barnamijka aad dalbatay. Waxaa lagu magacaabaa qoto dheerin aad ku sameyneysid barnamijka.

Maaddaama iskoollada eey hayaan maaddooyin kala duwan oo qoto dheerin ardayda ku sameyn karaan waxaad la xiriirtaa iskoollada aad dalbanaysid waxaadna weeydiisaa maaddooyinka qoto dheeridda looga sameeyo ee iskoolladaas.

Warbixin dheeraada oo arrinkaas ku saabsan waxaad ka heli kartaa bogga internetka ee [www.skolverket.se](http://www.skolverket.se), qeybta ka hadleysa iskoollada xanaanada carruurta iyo iskoollada.

## Doorashada madaxa bannaan

Waxaad kaloo sameyn kartaa doorasho madax banaan. Waxaad iskaa u dooran kartaa maaddooyin aan ku jirin kuwa laga barto barnaamijka aad dalbatay, waana maaddooyin eey ardayda iskoolka oo dhan eey akhrisan karaan.

## Qorshaha jiheynta maaddada

Maaddo kasta oo dugsiga sare ee dadka caqliga dhiman laga dhigto waxeey leedahay qorshaha jiheynta maaddada oo eey ku qoron yihiin koorsooyinka maaddooyinka eey ka kooban yihiin iyo dhibcaha lagu heli karo.

Haddii aad ka bixi kartid waxuu mudiirka iskoolka go'aamin karaa inaad dhigatid maaddooyinka laga barto dugsiga sare ee caadiga ah. Taasina waxeey kor u qaad-ey saa hiigsigaada waxbarasho.

## Natiijo

Natiijo waxaad heleysaa markaad dhameysatid maaddo ama koorso. Macalinka ayaa qiimeyn ku sameynaya cilmiga aad baratay asigoo saldhig uga dhigaayo natiijooyinka A, C iyo E.

## Apl

Cilmiga aad kasoo baratay barnaamijka aad dhigatid waxaad baraktiik ahaan ugu sameyneysaa goob shaqo.

Waxaa la yiraahdaa waxbarasho lagu sameynayo goob shaqo, marka lasoo gaabiyana waa Apl.

## Shaqada dugsiga sare ee dadka caqliga dhiman

Si aad u muujisid waxa aad ku baratay barnaamijka waxbarasho ee aad dhigatid waxaad sameyneysaa Shaqada dugsiga sare ee dadka caqliga dhiman.

Maaddaama shaqada aad sameyneysid eey tusineyso waxa aad soo baratay oo dhan waxaad sameyneysaa dhamaadka waxbarashadaada.

## Qorsho waxbarasho oo gaar ahaaneed

Waxaad leedahay qorsho waxbarasho oo gaar kuu ah. Waxaana ku qoran maaddooyinka iyo koorsooyinka aad dhiganeysid muddada waxbarasho ee dugsiga sare.

Go'aankasta oo ku saabsan waxa aad dhiganeysid waxaa laga helayaa qorshaha waxbarasho ee gaarka kuu ah.

## **Shahaaddada dugsiga sare ee dadka caqliga dhiman**

Markaad afar sano kadib dhameysid dugsiga sare ee dadka caqliga dhiman waxaa lagu siinayaa shahaaddo muujineysa waxyaabaha aad soo baratay iyo khibradaha aad kororsatay waqtiga aad dhiganaysay dugsiga sare ee dadka caqliga dhiman.

Shahaaddada dugsiga sare ee dadka caqliga dhiman waxeey tusineysaa inta dhibco aad heshay muddada afarka sano aheyd ee aad waxbaraneysay.

Haddii aad ku baastay maaddooyinkaada oo marka leesku daro ku siinaya 2500 oo dhibcood waxaad dhameystir buuxo ku sameysay waxbarashadaada dugsiga sare ee dadka caqliga dhiman.

## **Sidaan ayaad u shaqeyneysaa markaad dhigatid barnaamijka**

Su'aalaha kala duwan waxaad ugu shaqeyneysaa hab shaqo gacameed ah iyo hab cilmi baaris labada ba, tusaale ahaan, sameynta baaritaanno iyo tijaabooyin fudud.

Waxaad horumarin ku sameyneysaa awooddaada wadahalal iyo ka fikiridda su'aalaha ku saabsan mujaabada.

Waxaad horumarin ku sameyneysaa sida aad u cabireysid fikradaha kala duwan ee ku saabsan su'aalaha lagu weydiyo.

Waxaad horumarin ku sameyneysaa wadashaqeynta iyo inaad la timaadid fikrado kuu khaas ah. Waxaad kaloo horumarin ku sameyneysaa inaad si madax bannaan u shaqeysid iyo inaad mas'uuliyad qaadi kartid.

Waxaad horumarin ku sameyneysaa inaad sharrixi kartid sida aad ugu shaqeyneysid leyliska lagu diro.